

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第五七冊

粵中見聞·二

雲南府猺獐峒蠻考

經營滇省西南邊地議

學苑出版社

PDG

(清) 范瑞昂撰 清乾隆四十二年刻本

粵中見聞・二

新學網
PDG

粵中見聞卷十九

人部七

蒲夫人

夫人姓蒲晉康程水人晉康卽今德慶州夫人稱龍母者
因得大卵畜之龍子出焉養龍長大非誕龍也秦始皇嘗
聞徐福謂海神之使者銅色而龍形光上照天意夫人其
類是耶遣使禮聘使者敦迫上道行至始安一夕龍引所
乘船還程水使者復迫以往龍復引船以歸夫人歿葬西
源上龍爲大波濤浪捲沙成墳會大風雨墓移江北每洪

水淹沒四皆濁而近墓數尺獨清宋紹定四年封爲顯
德夫人德應悅城水口有龍母廟廟南之山曰青旗多古
木舊有巨桂土人伐作龍船從水口至廣州五百餘里一
日往還衆憚其太速爲四足于船底以阻水不知龍飛以
足其速益甚一擊鼓卽越三灣土人大懼沉於水次年五
月出之周船身悉生鱗甲乘至楊柳沙驤首振尾人船俱
沒金鼓聲隱隱潭底久之乃絕至今風雨晦冥船輒浮出
土人或於端午日祭之青旗山中有三足鹿秦時夫人常
乘白鹿出入晨人慙鹿害稼夫人斷鹿一足故今山鹿有

三足者

洗夫人

洗夫人高州人身長七尺兼三人之力兩乳長二尺餘當暑遠行兩乳輒搭肩上秦末嶺南亂夫人集兵保境蠻不敢侵及趙佗稱王夫人賁軍裝物用二百擔入覲佗大悅與論時政及兵法智辯縱橫莫能折乃委其治高涼恩威振物鄰郡賴之今南道洗姓皆其支派云

譙國夫人

譙國夫人洗氏諡誠敬亦高州人其家世爲南越首領轄

部落一萬餘戶夫人幼而賢明曉兵畧善撫諸蠻羅州刺史馮融聞其賢爲子馮寶求娶焉侯景反高州刺史李遷仕召寶寶欲往夫人止之旣而遷仕果反夫人自將千餘兵步擔雜物唱言輸賦至柵下襲擊遷仕大破之遂與陳霸先會于贛石還謂寶曰陳都督非常人也厚資給之及寶卒嶺南大亂夫人撫綏百粵數州晏然永定二年其子馮僕年九歲遣率諸首領入朝拜陽春郡守後廣州刺史歐陽紇召馮僕至高安誘與爲亂僕遣使歸告母發兵拒之紇潰敗詔封冼氏石龍郡太夫人陳亡隋高祖着陳主

遺夫人書卽遣孫馮暄帥兵迎隋總管韋洸嶺南遂定未
幾番禺人王仲宣反圍洸于廣州夫人開幕府置官屬給印章便宜
行事八十歲卒夫人智勇兼備從無敗衄每戰必錦繡寶
幘望見咸以爲神高州人立廟祀之

虞夫人

虞夫人英德麻寨人唐時黃巢破西衡州流劫嶺南其夫
爲寨將與巢賊酣戰而死虞綽鎗上馬接戰殺敗黃巢今
麻寨逕中有拖鎗痕焉虞亡後鄉人徐志道等立祠祀之

嗣是賊寇竊發卽見虞夫人朱衣白馬提兵出入空際賊輒驚潰旱澇疾疫祈禱必應宋嘉定十五年敕曰生能抗黃巢之鋒歿能制尙寇之暴况雨暘之致祈復利澤之隨著特封爲顯佑夫人後加封正順夫人

李夫人

李夫人雷州人勇敢有謀衆皆欽服推爲主帥僞南漢殘黨剽掠皆爲李氏兵所敗一方賴之號寧國夫人祀于雷州東安有詹氏者乃李漆之妻漆集兵勤王以總兵戰歿詹氏代領其衆攻復瀧東西州縣敘功得授叅將未幾病

卒吾粵辰山襟海素饒雄霸之氣婦女亦多知兵自二洗
以至虞李詹皆勇畧絕倫稱爲粵中五女將云

何僊姑

僊姑增城人何泰女生時有紫雲繞屋所居產雲母石夢
神教以服餌之法久之行動如飛誓不嫁唐武后召至中
途忽不見後常見於羅浮麻姑壇又見於小石樓仙姑善
詩清麗絕倫有詩云麻姑怪我戀塵囂一隔僊凡路遠遙
去去滄洲弄明月倒騎黃鶴聽吹簫又詩云鐵橋風景勝
天台千樹萬樹桃花開玉笙吹過黃巖洞勾引長庚跨鶴

來又詩云寄語童童問阿瓊休將塵事惱閒情蓬瀛弱水
今清淺滿地花陰護月明僊姑又善書曾有題黍珠庵東
壁其壁半毀惟餘百尺水簾飛白虹笙簫松栢語天十三
字其下必風也字比晉人更清婉唐時越女多能詩南海
有七歲女子武后召試之其兄送至長安後辭歸武后命
賦別兄詩卽應聲曰別路雲初起離亭葉正飛所嗟人異
雁不作一行歸此女子不知姓氏豈卽爲輦鑑圖銘者歟
王勃序云上元二年歲次乙亥十有一月庚午朔七日丙
子予將之交趾旅次南海有以轉輸鉤枝八花鑑銘示予

云當今之才婦人也觀其藻麗反覆文字縈迴句讀曲屈
韻調高雅有陳規起諷之意可以作鑑前烈輝映將來者
也聊撫鏡以長想遂援筆而作敘

輦鑑圖名曰轉輪八花鈎枝鑑銘凡一百九十二字迴環
順逆讀之皆四字成句左旋順讀自篇字起至詞字止叶
四支韻右旋逆讀自詞字起至篇字止叶一先韻左旋銘
曰篇章隱約雅合雍熙鉛華著飾盡瘁妍媸旋軀合配懿
德章施宣光炳耀列象標奇先人後已閱禮崇詩懸堂象
設啓匣光馳傳芳遠古照引毫釐堅惟瑩徹跡異磷緇連
星引月藻振芳垂妍齊錦繡色配漣漪虔思早暮守謹閑
闡圓虛配道象罔齊儀烟凝綴玉影表方枝捐瑕滌怪釋
怨忘疲蓮芳表質日潔凝姿編辭衍義質動形隨前瞻後

戒雪拂雲披聯翩動鵲掩映辭螭蟬輕約髮柳翠分眉全
斯節志敬爾尊卑鮮含翠羽影透輕池源分派引地等天
規延年益壽代變時移筌簡等義繪綠分詞右旋逆讀四
字成句亦俱叶韻至理精思洵僊才也唐元和十三年二
月八日子爲中書舍人翰林學士夜直禁中奏進檢事因
開前庫東閣閱古今誤集凡數百家偶於王勃集中卷末
獲顰鑑圖并序遂自摹寫貯於箱篋寶慶二年乃命隨軍
潘玄敏繪而傳之令孤楚記

盧省娘

盧眉娘南海人生而眉綠細長人以眉娘呼之唐順宗初
年南海進奇女卽眉娘也時年十四能於尺絹繡法華經
七卷字如粟粒而點畫分明又能以五絲絲一縷於掌中
結爲飛蓋中有十洲三島天人玉女臺殿鳳麟之象外有
執幢捧節之童不啻千數其蓋廣一丈重三四銖順宗歎
其工巧稱爲神姑因令居宮中日惟飯胡麻二合元和中
憲宗賜以金鳳手環知眉娘不樂宮掖度爲女道士送歸
南海賜號逍遙大師遲數年卒將葬怪其棺輕撤蓋僅一
藕屨云

劉三妹

劉三妹新興人生唐中宗時年十二淹通經史善爲歌千
里內聞歌名而來者或一日或二三日卒不酬和而去
三妹解音律遊戲得道常往來兩粵溪崗間俱解諸蠻言
語與其唱和後與白鶴鄉一少年登山而歌人環觀之七
日夜歌聲不絕俱化爲石土人因祀之於陽春錦石巖巖
高三十餘丈林木叢蔚巖口有石磴苔花繡蝕一石如曲
几可臥一人此其遺跡也三妹今稱歌仙其歌如山有木
兮木有枝心悅君兮君不知則絕類離騷矣又竹葉歌云